

На основи Програми роботи за 2015. рок и Одлуки Надпатраючого одбору Розвойного фонду Автономней Покраїни Войводини д.о.о. Нови Сад

**Розвойни фонд Автономней Покраїни Войводини д.о.о. Нови Сад
розписує**

**КОНКУРС
ЗА КРАТКОРОЧНИ КРЕДИТИ ЗА КАРМЕНС**

1. ЦИЛІ ДОДЗЕЛЬОВАНЯ СРЕДСТВОХ

Основни цель додзельованя кредитох то обезпечене финансйних средствох за потримовку розвою и унапредзєня продукції у обласци статкарства, подзвигованя уровня квалитету продукції, ступня конкурентности з целью унапредзєня фармерскей и кооперантскей продукції и стимулованя обезпечованя роботи.

Средства зоз кредиту ше можу хасновац за краткорочне финансованє карменя швиньох и яловчатох - найменей 10 швиньох або 5 яловчатох.

За реализацию тей кредитней линії плановани средства у суми 200.000.000,00 динари.

2. ХАСНОВАТЕЛЄ КРЕДИТОХ

Право участвовац на Конкурсу маю правни особи и поднімателе (хтори у складзе зоз членом 6. Закона о рахунководству подзелени до групох на микро, мали и штредні правни особи) и физични особи - ношителиє регистрованих польопривредних газдовствох (навершени меней як 60 роки живота), хтори маю активни статус газдовства и отворени наменкови рахунок у діловней банки приявени у Управи за аграрни плацєня а хтори ше занімаю з продукцию меса на території АП Войводини.

Хаснователе средствох муша мац регистроване шедзиско/место биваня на території АП Войводини.

По тим конкурсу вимаганє може поднесц лем една зоз правних особох хтори ше, спрам позитивних законских предписаньох трима за повязани.

3. УСЛОВИЯ КРЕДИТОВАНЯ

- сума кредиту: у складзе зоз кредитну способносцу подношителя вимаганя, до 20.000.000,00 динари
- применьованє валутней клаузули
- **термин за врацанє кредиту:** 12 мешацц
- **каматна стопа:**
 - **3%** на рочним уровню за кредити хтори обезпечени зоз гаранцию діловней банки
 - **4%** на рочним уровню за кредити хтори обезпечени зоз ипотеку
- **Камату ше обраховює и плаци мешачно**
- **обезпеченє кредиту:**
 - штири вексли подношителя вимаганя зоз вексловим овласцєньом у складзе зоз Законом о платним обтоку, уписани до Регистру векслох при Народней банки Сербії

- два особни вексли зоз вексловим овласценьом власніка, снователя або директора правней особи або поднімателя, односно физичней особи ношителя регістрованого польопривредного газдовства
- гаранция діловней банки або
- ипотека - заложне право першого шора на польопривредней жеми на хасен Розвойного фонду Автономней Покраїни Войводини д.о.о. Нови Сад (у дальшим тексту: Фонд), чийо минималне одношенє прецененей вредности и вимаганого кредиту 200%.

Фонд затримує право од другого овласценого преценьовача вимагац додатну прецену польопривредней жеми. Фонд длужен од овласценого преценьовача вимагац додатну прецену польопривредней жеми, кед по першобутней прецени вредносц преходзи суму од 10.000 ЕУР по гектаре. Додатну прецену ше ма окончиц о трошку подношителя вимаганя.

Кед клиент припада до групи повязаних особох обовязни инструмент обезпеченя то найменша гаранция єдней зоз повязаних особох хтора прилаплїва за Фонд, окрем у случаю кед кредит обезпечени зоз гаранцию діловней банки як додатним инструментом обезпеченя.

4. МИНИМАЛНИ УСЛОВИЯ

За шицки физични особи подношительох вимаганьох и гевти правни особи и поднімательох хтори як инструмент обезпеченя даю гаранцию діловней банки, важа шлїдуюци минимални условия:

- Нет досцигнути невимирени обовязки спрам Фонду
- Нет невимирени обовязки по основи порції и інших явних приходох

За правни особи и поднімательох подношительох вимаганьох хтори як инструмент обезпеченя не даю гаранцию діловней банки, важа и шлїдуюци минимални условия:

- Найменей два рочни финансови звіти
- Нет невимирени обовязки по основи порції и інших явних приходох
- Число дньох блокади у остатніх 12 мешацох не векше як 30 дні
- Кредитна история (нет досцигнути невимирени обовязки спрам банкох и других финансових институцийох хтори старши як 60 дні по гоч якей основи)
- Правни особи и поднімателе - двойне кніжководительство:
 - Ділованє зоз діловним и нето прибутком по остатнім закончуючим рахунку
 - Вкупни капитал по закончуючим рахунку за предходни рок векши як нула
 - Діловни прибуток покрива нето розходи финансованя
- Поднімателе – просте кніжководительство:
 - Ділованє зоз нето прибутком по остатнім закончуючим рахунку

5. ПОДНОШЕНЄ ВИМАГАНЯ И ПОТРЕБНА ДОКУМЕНТАЦИЯ

Вимаганє за додзельованє средствох ше подноси на формуларе – Вимаганє за одоброванє кредиту (у дальшим тексту: Вимаганє). Вимаганє мож превжац на електронски способ зоз интернет боку Фонду (www.rfapv.rs) або у просторийох Фонду, на адреси Булевар цара Лазара 7а, Нови Сад.

Надодполнене за обробок кредитного вимагання виноши: **10.000,00 динари**.

Надодполнене за хасноване услугох Кредитного бироа виноши: **1.440,00 динари** за правну особу; **600,00 динари** за поднімателя и **246,00 динари** за физичну особу (власнік подніматель и ношитель регистрованого польопривредного газдовства).

Надодполнене ше уплацуе на рахунок Розвойного Фонду АПВ число: **200-2626900101001-56**; зоз поволанку на число **0363001101**.

Документация хтору ше подноши на конкурс:

ФОРМУЛАРИ ХТОРИ ПРЕДПИСАНИ З БОКУ ФОНДУ

1. Виполнени и подписани формулар *Вимагане за одобрване кредиту* з доказом о уплацованю наведзених трошкоч
2. Виполнени формулар *Виява о повязаних особох*
3. Виполнени формулар *Проекция билансу стану и успиху за чечуци рок* (за правни особи и поднімательох зоз двойним кнїжководительством), *Проекция билансу успиху за чечуци рок* (за поднімательох зоз простим кнїжководительством)
4. Формулар *Питальніка за финансиїну анализу* хтори виполнюе представнік Фонду ведно зоз физичну особу - ношительом регистрованого польопривредного газдовства при обиходзеню газдовства по поднешеним кредитним вимаганю.

СТАТУСНА ДОКУМЕНТАЦИЯ

5. Вивод з Регистру привредних субєктох
6. Фотокопия сновательного акта и Статута подприємства односно другого акта зоз хторим ушорена компетенция органа
7. Фотокопия ОП формулара
8. Фотокопия Одлуки о подзеленю подприємствох до групох по велькосци (у складзе зоз Законом о рахунководству)
9. Правомощна Одлука компетентного органу о задлужованю Клиента при Фонду
10. Потверджене о упису польопривредного газдовства до Регистру польопривредних газдовствох зоз активним статусом и вивод зоз Регистру польопривредних газдовствох – перши и други бок виводу РПП
11. Фотокопії контракту о закупе польопривредней жеми з периодом закупу хтори тирва найменей як и период одплацованя кредиту
12. Фотокопия особней легитимациї ношителя польопривредного газдовства.

ФИНАНСИЙНА ДОКУМЕНТАЦИЯ

13. Виполнени и подписани формулар *Вимаганя/согласносци за поцаговане звиту Кредитного бироа*
14. Фотокопия картону депонованих подписох
15. Потверджене діловних банкох о просековим стану и обтоку динарских и девизних рачункох за предходни и чечуци рок
16. Потвердзения компетентних органох же вимирени обовязки по основи порції и инших явних приходах не старши як 30 дні
17. Комплетни рочни урядови финансиїни звит
18. Фотокопия оверених консолидованих финансиїних звитох кед подношитель Вимаганя припада до групи повязаних особох хтора подлегуе законскей обовязки составяння истих
19. Бруто биланс зоз пейчисловима рахунками на дзень остатнього рочного финансиїного звиту и Бруто биланс на дзень подношеня Вимаганя зоз спецификацию шицких рахункох купцох и добавячох

20. Документи з хторима ше доказує постојане додатних приходах членох газдовства – регистрованих польопривредних газдовствох, кед члени газдовства витвирюю додатни приходи.

**Физични особи доручю документацию под подточками 1, 2, 4, 10, 11, 12, 13, 14, 15, 16 и 20, а кед як инструмент обезпеченя по вимаганим кредиту предкладаю гаранцию дїловней банки, не маю обовязку доручиц документацию под подточками 4, 11, 15 и 20.*

**Правни особи и поднїмателе доручю документацию под подточками 1, 2, 3, 5, 6, 7, 8, 9, 10, 11, 13, 14, 15, 16, 17, 18, и 19, а кед як инструмент обезпеченя по вимаганим кредиту предкладаю гаранцию дїловней банки, не маю обовязку доручиц документацию под подточками 3, 11, 15, 18 и 19.*

ДОКУМЕНТАЦИЯ О ПОНУКНУТИХ ИНСТРУМЕНТОХ ОБЕЗПЕЧЕНЯ

21. Штири вексли зоз вексловим овласценьом у складзе зоз Законом о платним обтоку

22. Два особни вексли зоз вексловим овласценьом (власніка, снователя або директора правней особи або поднїмателя, односно физичней особи ношителя регистрованого польопривредного газдовства), окрема кед правна особа подношитель кредитного вимаганя не зоз векшинским приватним капиталом.

23. У зависносци од понукнутих инструментах обезпеченя потребне доручиц и:

- Кед инструмент обезпеченя **гаранция дїловней банки**:
 - Писмо о намирох дїловней банки о выдаваню гаранциї
- Кед инструмент обезпеченя **гипотека на польопривредней жеми**:
 - Оригинал виводу зоз ґрунтовних кнїжкох або катастру за нерухомосци за польопривредну жем хтора предмет ипотеки, не старши як 15 днї од дня подношеня вимаганя
 - Прецена тарговищней вредносци польопривредней жеми з боку овласценого преценьовача одвитующего фаху не старша як 90 днї (Вредносц нерухомосци хтора польопривредна жем под вецейрочну засаду звекшує ше лем за вредносц засади. Вредносци як цо то: огради, подпорки, студнї, системи за наводньоване, ручни и машински роботи и подобне ше не беру до огляду при одредзованю вредносци польопривредней жеми под засаду)
 - Фотокопия особних легитимацийох шицких власнікох и супружнікох власнікох польопривредней жеми
 - Одлука органа управяня о кладзеню ипотеки на польопривредну жем кед вона у власніцтве правней особи

У случаю одоброваня кредиту з боку Фонду треба доручиц и Полису осигураня засаду винкуловану на хасен Фонду кед предмет обезпеченя польопривредна жем под вецейрочну засаду.

Обовязни змист прецени тарговищней вредносци, лістина преценьовачох и Програма роботи Фонду, ше находза на интернет боку Фонду (www.rfapv.rs).

Конкурс отворени по вихасновйоване средствох яки плановани за його реализацию або по приношене одлуки компетентного органу о завераню Конкурсу.

Комплетну потребну документацию ше доручує при придаваню вимаганя за кредит у Розвойним Фонду Автономней Покраїни Войводини д.о.о. у Новим Садзе, Булевар цара Лазара 7а, у Секторе за кредити, або ше доручує по пошти на исту адресу.

Вимаганя чия документация не комплетна, вимаганя хтори не виполнюю минимални условия яки наведзени у тачки 4. Конкурса, як и вимаганя хтори ше поднесе после завераня Конкурса ше не будзе розпатрац.

Шицки додатни информаций мож достац особне, на адреси Булевар цара Лазара 7а, Нови Сад, у Секторе за кредити; на електронски способ: kreditno@rfapv.rs або на телефони: 021/454-334; 021/450-698; 021/450-702 ; 021/6351-022; 021/6351-014.

РОЗВОЙНИ ФОНД АВТОНОМНЕЙ ПОКРАЇНИ ВОЙВОДИНИ

НАДПАТРАЮЦИ ОДБОР